

畿輔通志卷二百七十八

列傳八十六 列女三十四

國朝二十八 長垣

國朝

長垣縣

邵炳元妻李氏順治間炳元官孝感令有賊號紅旗者攻城

城陷殉節李亦被執不屈死

雍正志

知縣崔封妻王氏侍郎家楨孫女順治間封令蒙陰殉難王
年二十八嚙血罵賊刃傷幾絕幸不死保遺腹子扶櫬旋里
子旋殤守節三十餘年卒

崔九園妻劉氏隨夫館叔祖濬縣教諭署中順治庚寅山東

寇夜襲縣城進署劉避瓜園壕內爲賊所得不屈被殺

俱同上

廩生王錚妻崔氏吏部尚書景榮女少保吏部尚書永光仲

子婦也錚亡崔年二十一遺一子二女俱幼甘心淡泊父憐而與之田宅崔曰父意良厚然田宅非王氏故有且父厯官清慎不可以女故而使弟舅少有也固辭不受永光爲諸子析產念其寡欲以己所居宅畀之崔曰遺孤多病能保一綫足矣安望好產且吾夫歿於此吾願老於此不願移居也其事舅姑飲食衣服非手製不以進永光疾常教子以孫代子職其篤孝類如此丙午子行冲舉京兆崔守節三十二年卒

康熙九年旌

雍正志兼采縣志

生員崔龍妻李氏年十七夫亡有遺腹子徵重保教成立爲

郡庠生苦節四十餘年

康熙志兼采縣志

生員崔巖妻杜氏年十九守節至六十餘歲始終如一

同上

生員靳泰運妻高氏年二十四泰運病值流賊掠餉驚死止

一子高撫孤成立守節四十餘年

雍正志兼采縣志

錦衣衛都指揮同知李不盈妻王氏夫亡遺一男一女撫育成立守節五十年卒

官生王釰妻孫氏夫亡撫子成立守節四十年

李崇敬妻許氏年十七于歸生一子未三月崇敬死翁姑勸

改嫁許誓死不從撫孤事翁姑養生送死克終其節

俱同上

生員成夢斗妻張氏成夢庚妻田氏妯娌也張適夢斗四年夢斗亡張年二十無子撫夫幼弟夢庚成立夢庚染病俗有

娶婦沖喜說遂與姑議娶田甫合番夢庚遽卒田卽自經以救免怒視救者數日不食矢志柏舟三十年姑疾篤張禱以身代田割股和藥以進及姑歿田泣對張曰吾事畢矣遂不食而死縣令吳旌其門曰一門雙烈學政蕭旌以匾曰娣姒

雙貞

大清一統志兼采縣志

龐三善妻王氏年十七于歸三善歿弗得繼姑歡王孝事惟謹姑感動姑老蹇於行負之出入者數年姑歿負土成墳殯葬如禮教子贊皇游庠食餼領歲薦

雍正志兼采縣志

知縣成其行繼妻崔氏夫亡痛哭五日死

生員王新運妻夏氏年二十五夫亡一子甫三歲守節三十餘年子與孫相繼死里黨皆悲其遇之嗇也

儒童侯國賓妻夏氏年十九夫亡守志教子鷺振弱冠入庠

食餼苦節四十餘年卒

俱同上

侯國卿妻段氏年十六于歸未一歲夫亡屢縊救免撫姪爲

嗣未幾嗣子痘殤遂自縊死

雍正志兼采府志

某氏妾佚其姓氏樵於田昏霧彌野有縛簪匠走陌間見無

人逼之不從賊抽剪刀威嚇氏大罵賊怒刺其腹腸出而死
賊惶懼帶血狂奔竟夕復反故處倉皇無人色氏夫族乃號
痛索賊遂執愬伏法立匾旌焉

王閑沖妻魏氏年二十夫亡子果甫一歲魏誓以死殉姑勸
以撫孤乃教子至於成立魏以無疾卒

俱同上

生員柴廷獻

康熙志作柴生

妻蔡氏年十六于歸三年廷獻病瘡口

舌腐爛蔡日夜侍七箸無倦容廷獻病革曰汝年少幸善事

後人蔡泣曰此禽犢之行何爲出諸口廷獻感歎而絕蔡以

腰帛雉經姑救得不死送夫葬徒步二十里淚盡而血奮身

投穴中其兄救之出歸絕食死

雍正志兼采縣志

生員夏三才妻傅氏年十七于歸夫亡養親教子守節三十

年子雨金庠生

李鳴鳳妻王氏夫亡子甫二歲守節六十餘年

生員閻應昌妻崔氏應昌亡崔自縊家人救之甦撫幼子慶麟入庠守節三十九年

許璜妻夏氏夫亡無子夏以死自誓水漿不入口者數日服闋哭於墓慟甚昇歸病死其侍女王氏後數日亦死

俱同上

生員張鴻緒妻李氏年二十八夫亡遺二子一女值明季寇亂轉徙播遷保孤子卒能成立長子舉鄉飲次子列太學諸

孫游庠序皆親見之八十一歲卒

府志兼采縣志

貢生王元炆妾孫氏嫡蕭氏卒無子聘孫甲申之變闖賊僞令入城炆父侍郎家植謀執之事洩死元炆被執不屈亦死孫年十九有遺腹子維璣極力保護以全夫嗣卒年七十三

距元炆死五十四年

同上

儒士成奕越妻杜氏年十五于歸越四載夫亡無子投繯遇

救及嗣子殤死志益決曰吾暫活以夫未葬耳既葬乃絕粒

不食氣垂絕曰吾得所矣遂死

大清一統志

李鏞妻張氏夫亡痛哭五日夜而死康熙二十七年

雍正志作二十

六旌縣志

張握瑾

府縣俱作握瑾

妻邵氏夫亡姑有疾籲天願以身代及歿哭

之喪明

大清一統志

康熙三十八年旌表

雍正志

王文受

府志作文綬

妻劉氏年二十七夫亡遺二子一女姑以家

貧恐難終守劉誓於神以明志孝姑撫子歷五十餘年

府志兼采

縣志

馬文河

府志作文可

妻王氏年二十四夫亡守貞不二子呈麟辛

卯武舉王年八十二歲卒

舉人黃方璫繼妻成氏方璫應試禮闈歿於京邸成欲以身殉勸止守節四十七年旌表

貢生崔瑛妻王氏年十四于歸越六載夫亡翁姑在堂子女皆幼忍死撫事比翁與父相繼逝瑛生母劉復歿慨然曰吾子女已成立吾已終姑喪可見吾夫於地下矣遂絕食死張能妻蘇氏因許四強逼不從羞忿自縊旌表

夏光縉妻李氏光縉家貧其父民懷古耕山左城武縣縉省父道死李聞痛哭仆地絕而復甦托鄰童報母曰速來看我乃更衣投繯死時康熙二十八年邑令孫爲立碑於城南門

內俱同上

朱某妻孟氏許氏俱少寡相與約曰翁姑老而喪子吾輩死誰與爲養歷兵荒水旱艱苦備嘗二婦不少變其志及翁姑

歿喪葬畢同日自盡

雍正志兼采縣志

王鶴沖

府縣志俱作鶚沖

妻崔氏年十八夫亡子在襁褓守節養姑

撫子成立及姑歿曰吾事畢矣遂不食數日死

大清一統志兼采雍正

志

康熙四十四年旌

縣志

蠡縣訓導楊鍾恒妻王氏少時父與講經史聞貞孝節烈事

輒隱隱慕之年十八于歸事姑色養備至姑病甚王割臂以

進姑病旋愈越歲姑以他疾逝王哀毀積勞成瘵卒年二十

四子任以選貢爲廣東知縣有聲左都御史張泰開爲作孝

婦傳

李伯龍詩孝以庸德稱貴不掩真性卓哉楊氏婦奉親蹈危行孺人華胄推天雄敦詩說禮傳家風作孀君子

奉菽水曾聞弱女應當熊高堂色喜事必恪二豎何堪肆苛

虐薰香綺閣事事乖遂令作讀兼劇藥沈疴立起無良方願

天乞代情內傷進食那惜身裏創精誠直上薄穹蒼

聖朝

錫類崇孝治許謨垂誠何煌煌誠慮過情轉令真情薄不使

一概相品量不然古來血性原自不可沒性至自足扶天常

孺人祇知奉姑身不惜豈望心事垂縹緲底事德年竟易舛

額令發宿埋晶光即今裕後膺多祐鸞章紫詰來天府乃
知盛德必無不報時孺人之遇艱且苦明府之榮泣且舞終
天茹恨究何補吁嗟孺人足千古 渾變詩孝行本庸德深
閨表異人執巾常守禮侍疾更忘身豈愛芳名著同欽至性
眞青青龍上柏
長共歲華新

布政使成仲龍妻王氏有孝行姑病歿哀毀成疾卒

縣志

耆賓于映弼妻靳氏七歲時父母爲流賊所傷靳護救以鐵
器擊賊腦獲免及適映弼爲姑浣瘡姑痛楚靳亦痛楚忽夢
神與之語以虎屎中骨調服則瘡可瘳虎鬚挿齒則痛可止
靳因跪禱於神閱七日搏得虎如法療之瘡果愈縣令旌之

曰孝感山君

府志

周振鐸妻姜氏夫歿後七日遺腹生男事舅姑撫孤子年六

十五卒

府志兼
采縣志

陳文治妻姚氏年二十四夫亡撫孤秉正入庠守節五十七

年邑令趙匾其門曰鶴齡柏節縣志

生員李生馥妻孫氏年二十三夫亡艱苦自持守節四十餘

年子璠康熙甲戌進士授諸城知縣同上

段國選妻韓氏年十九夫亡煢煢無倚撫二歲孤依母家爲

活邑令趙給匾旌之府志兼采縣志

呂守謙繼妻夏氏年十八于歸越三載夫亡前室遺二子長

始成童次尙幼上有繼祖母年已七十餘夏操持家政侍奉

撫育備極辛勤長子煊遊太學次子煥登乙酉賢書雍正三

年旌雍正志

張鼎新妻畢氏年二十三夫亡遺孤亦天姑勸令改適畢不

可姑歿就養從姪家壽七十餘府志兼采縣志

黃兼善妻李氏年二十一夫亡母欲奪其志李斷髮自誓守

節至八十餘歲卒

生員許丹恂妻李氏穎慧有志操年十六于歸丹恂力學遭疾積五載而卒妾鄭氏以悲哀積痛傷肝死遺子珂鳴幼李侍姑能得歡心督珂鳴學甚嚴鄉黨稱之

同上

劉建子妻劉氏被鄰惡楊四強逼不從自縊雍正五年旌

雍正志

儒童蕭葵聘妻岳氏未及于歸葵病歿岳聞訃朝夕飲泣三月而卒葬城東三里許大學士泰安趙國麟時爲邑令題其

墓曰玉質冰操

府志兼采縣志

王宗湯女二妮年十七山東民張二逼之不從被勒死雍正

五年旌

雍正志

郭禹女二鳳爲族惡郭仁所逼守正自縊死雍正十一年旌

府志兼
采縣志

鄭萬齡妻賈氏年二十二夫亡子鑄僅二齡賈撫育成立娶婦李氏鑄又亡姑媳孀守數十年人以一門雙節稱之

王運昇妻柴氏年十八于歸姑雙瞽極盡孝敬夫亡撫孤慰親歷六十九年

王家寶妻侯氏夫亡子甫八月侯撫孤成立守節四十八年孔興信妻謝氏年十九夫亡割耳斷髮示無二志

王鉞妻張氏年十六于歸十八夫亡一子甫八月撫育成立娶媳生孫子病歿撫孫遊庠張年七十有八

趙瑛妻蘇氏夫亡矢志撫兩載孤子成人子媳復相繼歿遺六歲孫又撫養成立苦節六十餘年

孫維翰妻黃氏年十九于歸逾年生子三月夫亡矢志守節

孝養舅姑撫孤成立歷五十餘年

監生宋得晉

府志作得貴

妻于氏年二十五夫亡矢志守節祖姑

病侍奉惟謹姑病亦如之

崔茂林妾梁氏年十七于歸越二載夫亡梁矢志守節撫異室子如己子歷五十餘年

吏員陳鈞妻呂氏于歸七載姑病呂遽割股進逾夕病愈患癰症呂進飲食侍湯藥七年未嘗少懈撫夫諸弟成立以賢

孝稱

俱同上

王興讓妻楊氏因姑病砍指造食姑病愈

縣志

舉人張士瑞妻王氏父山公自幼訓以大義于歸姑已歿家

貧翁老士瑞舌耕以養王紡績佐之潔膳饒先意承志勞瘁弗敢辭又以餘力贍其父母及族黨之凍餒者值歲歉尤加

意馬長子莊登賢書次子簾髫齡入庠食餼莊官井陘學博
生員王永泰母張氏姑患痿疾卧床晨昏奉侍九載如一日

俱同上

侯懷遠妻劉氏年二十二夫亡守志舅姑屢病極盡孝敬嘗
語其子曰吾家貧爾等未得讀書但願能做好人亦不負我

矣壽八十餘

府志兼
采縣志

侯勲隆妻于氏年二十一夫亡子夭翁姑亦相繼歿獨居矢
志歷四十餘年

新田知縣徐振妾張氏振卒於官張年二十三隨嫡室韓扶
輿北歸比至汴忽夢振語曰且勿渡河達曉產一子卽庚午
舉人元祐也撫孤成立艱苦備嘗

杜某妻王氏幼莊凝多智慧適杜年十九夫素多病閱兩稔

生子沛甫歲餘夫歿王撫沛長入太學旋病卒撫孫冀其成立未幾又殤零丁孤苦至七十六歲卒

劉泰祥妻王氏年二十五夫亡無子女祥弟夫婦亦病歿遺一子甫六月王撫爲己子壽八十餘

侯璉

府志作侯璉

妻張氏年二十六夫亡撫孤成立娶媳生孫子

復病歿撫育幼孫苦節四十七年

官生成象壻妻匡氏于歸六載夫亡絕水漿者五日家人勸以撫孤乃勉進飲食守節五十餘年

段進忠妻徐氏年二十三夫亡無子有兩姪皆少孤徐撫養成立一承夫嗣一承叔嗣徐至八十三歲卒

張文傑妻宋氏年二十三夫亡遺孤二歲撫以成立後其子亦歿又撫孫成立壽八十有五

陳養乾妻劉氏年二十五夫亡無子誓死苦守爲夫立嗣歷三十四年

劉正宗妻唐氏年二十七夫亡子三歲矢志撫孤守節翁哀老患病唐割肉和藥以進年七十餘猶勤紡績子孫力田致富

儒童趙儲妻夏氏父早歿于歸一載夫亡念舅年老紡績以供甘旨舅亡喪葬盡禮壽七十有五乾隆四年旌

王欝妻魏氏年二十四夫亡守節撫孤欝弟欉妻毛氏年二十亦寡有遺孤與魏同志一門雙節乾隆四年旌

生員王涵冲妻田氏于歸三載夫亡遺一女嗣姪禾爲子撫養成立年七十六卒舉人陳某哀之日一身完節義兩世有兒孫